



Opij eo an Kajin im Maniit

Customary Law & Language Commission



PO BOX 3, Majuro, MH 96960 tel. (692) 625 – 3291 email cllc@cmi.edu

Katak kōn Maroñ ko ioon juon Bwidej

Kwatar likla! ñe mwelik e ñatñat: Ekwe bar juon in aode in ekkatak em epojak in diwōj waj ilo ainikien kab bareinwōt ilo jeje. Ijoke mokta jān aō naaj wōnmaanlōk wōt, ekwe kamoolol Anij jemād ilañ kōn mour im ājmour im kile ri-kaki in kabuñ otemjej. Kein karuo kile manit eo einwōt jijet im pād ro ad, irooj ro, aļap ro im kajoor ro. Kein kajilu kile Kien ko ruo; kien eo iolap (Būreejtōn, Kāāpnnet, Nitijeļā im kōrā ro karejerāer. Kile Kien ko redik (Meer ro im kōņņeļ ro bareinwōt kōrā pālier).

Ta in Maroñ?

Ekwe ij itok kiiō ñan aō kōmeleleik ta in kōjāān ej itōn ekkatak kake pedped wōt kajjitōk in, Ta Maroñ ko ad ioon juon bwidej. Ewōr ruo naan ko raorōk ilo kajjitōk in, Maroñ kab Bwidej. Ta in maroñ? Im ta in bwidej. Inaaj wōnmaanlōk wōt em kōmelele kōn ta in maroñ. Maroñ in ilo kajjitōk in eoktaklōk melele eo an jān bar melelein ko jet ikijien ejja naan in wōt maroñ ilo melele ko aer. Einwōt ilo eoon in ñe ibaj ba, “Imaroñ ke kōjerbal rā in mwijmwij ek (cutting board) eo am? Ekwe melele eo an naan in maroñ ilo aō kar ba ilo eoon in, eoktaklōk jān maroñ eo ilo kajjitōk in jej itin ekkatak kake. Ta maroñ ko ilo ioon juon Bwidej? Ñan waan joñak; Ñe jej kajjitōk kōn kajjitōk in im ba, “ta maroñ (taitōl) eñ an iolap eñ ioon bwidej eñ? Jemaroñ uwaak kōn uwaak in ba, oo leen ej juon irooj, aļap ak juon ri-jerbal ilo bwidej eñ. Ekwe jilu wōt maroñ ko ioon bwidej im ebar ejjeļok ijeļokier. Erkein rej maroñ ko jilu (3) Irooj, Aļap im ri-jerbal.

Irooj

Irooj e eo ej aļap im jeban bwij eo an irooj eo. Irooj eo e eo ej ilōñ tata in maroñ kein jilu (3) ijo ke eban kwowaan maroñ kein ruo (2) an aļap im ri-jerbal. Waan joñak; ñe ej itok ñan iien ekkal em eoon juon bwidej ej aikuj in wōr juon pepa in kōmālim ñan jabdewōt em eo ej pojak in tin jutak ilo kajjojo bwidej ekkar ñan kakien ko jān manit im kien eo rainin. Kōn menin ewōr jilu (3) jikin jain ko ilo pepa in mālim in jān maroñ kein jilu (3). Ekwe irooj eo eban kwowaan jikin jain kein jilu im wōnmaanlōk wōt em jain ikijier ekkar ñan manit. Ilo manit in ad ewōr juon kadkadein irooj ro ej ba, “irooj in jeļā, melelein ejjeļā men otemjej bwe e ej juon irooj eļap tata jeļā ñae maroñ ko jet ioon bwidej kab armej ro an. Ilo manit in ewōr ej **irooj bwio eo** ñe jinen im jemān rej jimor nejin irooj. Rainin ejjeļok irooj bwioeo ak ewor wōt irooj. Jej ba rainin irooj wōt bwe kōnke rej nejin irooj kab kajoor. **Eddo** ko an juon irooj eo e eo ej kabwijer maroñ eo eļap tata ilo an kōjparok aenōmman, jokwane, im kōjparok jimwe im maroñ ko an armej im lelōñlōk jookin mour ko aer. Irooj eo e eo ej kamōj ailwaro ko ilubwilijin armej ro, bōk ak ajeļ bwidej ñan ña jikin

ro ejjelok jikier. Ñan waan joñak; juon iaan bwidej ko kar ajeje in irooj ro moktalok ñan ro rōkar pelok em eotōk lok ijoko jikier im rōkar ña etan bwidej in mōn ato.

Alap

Alap im jeban bwij eo an kajoor. Alap eo ej bōk eddoun lale bwidej ko an bwij eo im epād ippān maroñ eo elap ñan dood, kōmṁakūt, im karōk ri-jerbal ro ioon bwidej ko im lale bwe mour eo aer en jok emṁan. Ej kōmṁani jerbal ko jet rej ilok ñan e jān irooj laplap eo.

Ri-jerbal

Ri-jerbal eo ewōr an jīmwe im epād ippān eddo ko ñan jerbali bwidej ko im kōmṁani jerbal ko jet alap eo ej kappeiki kaki im kōmaroñ e kaki.

Ekwe ālik tata em ejjab diktata, ekkar ñan ṁanit in ad ke Aelōñ kein ad ekkar ejjelok ad kien ak edde eo kar kien ilo tore ko etto ekar itok jān ṁanit in ad. Em ro rar jeban kien eo ekar itok jān ro uwaan jijet im pād ro ad ilo juon bwidej einwōt Irooj laplap eo, alap, im ri-jerbal ro bareinwōt. Irooj eo ekar tōl Aelōñ kein āinwōt eddo ko an juon būreejtōn rainin im alap em ri-jerbal ro rar jipañe Irooj ro einwōt eddo ko an Ministers ro im senators ro.